



Broj: 05-4267-5/23
Sarajevo, 11.04.2024. godine

Na osnovu člana 23. stav (1) tačka r) Zakona o Agenciji za bankarstvo Federacije BiH („Službene novine Federacije BiH“, broj: 75/17), člana 16. stav (1) tačke n) i t) Statuta Agencije za bankarstvo Federacije BiH („Službene novine Federacije BiH“, broj: 3/18), člana 69. stav (3) i člana 70. stav (4) Zakona o javnim nabavkama („Službeni glasnik BiH“, broj: 39/14 i 59/22) direktor Agencije za bankarstvo Federacije BiH donosi

ODLUKU **o poništenju postupka javne nabavke usluga**

I

Otkazuje se postupak javne nabavke za nabavku softverskog rješenja za servisnu infrastrukturu projekta unaprjeđenja okvira za rad i primjene propisa u segmentu usklađenosti sa standardima spječavanja pranja novca i finansiranja terorističkih aktivnosti za potrebe Agencije za bankarstvo Federacije BiH (u daljem tekstu: Agencija), broj postupka: 05-4267/23, zbog drugih dokazivih razloga koji su izvan kontrole Agencije a koji se nisu mogli predvidjeti u vrijeme pokretanja postupka javne nabavke.

II

Poništava se Tenderska dokumentacija, zajedno sa Obavještenjem o nabavci, broj: 3010-1-2-378-3-70/23 od 15.12.2023. godine.

III

Ova Odluka bit će objavljena na internetskoj stranici Agencije za bankarstvo Federacije BiH www.fba.ba, u skladu sa članom 70. stav (6) Zakona o javnim nabavkama.

IV

Za izvršenje ove odluke zadužuje se Sektor zajedničkih funkcija.

O b r a z l o ž e n j e

Odlukom o pokretanju postupka nabavke usluga, broj: 05-4267/23 od 23.10.2023. godine, odobreno je provođenje postupka javne nabavke usluga razvoja softverskog rješenja za servisnu infrastrukturu projekta unaprjeđenja okvira za rad i primjene propisa u segmentu usklađenosti sa standardima spječavanja pranja novca i finansiranja terorističkih aktivnosti za potrebe Agencije za bankarstvo Federacije BiH.

U skladu sa članom 35. Zakona o javnim nabavkama Obavještenje o nabavci broj: 3010-1-2-378-3-70/23 objavljeno je na Portalu javnih nabavki (www.ejn.gov.ba) dana 15.12.2023. godine, a sažetak Obavještenja o nabavci u „Službenom glasniku BiH“, broj: 86/23 dana 22.12.2023. godine.

Procijenjena vrijednost predmetne javne nabavke utvrđena je u iznosu od 590.000,00 KM bez uračunatog poreza na dodanu vrijednost (PDV).

Dana 26.01.2024. godine na protokol Ugovornog organa zaprimljena je žalba potencijalnog ponuđača izjavljena na Odluku o djelimičnom usvajanju žalbe izjavljene na Tendersku dokumentaciju u postupku nabavke usluga razvoja softverskog rješenja za servisnu infrastrukturu projekta unaprjeđenja okvira za rad i primjene propisa u segmentu usklađenosti sa standardima spječavanja pranja novca i finansiranja terorističkih aktivnosti za potrebe Agencije za bankarstvo Federacije BiH, broj: JN-19-24/24.

Ugovorni organ je u skladu sa članom 100. stav (4) Zakona o javnim nabavkama Uredu za razmatranje žalbi Filijala/Podružnica Mostar dostavio Izjašnjenje na navode iz žalbe sa potrebnom dokumentacijom.

Ured za razmatranje žalbi Filijala/Podružnica Mostar je donio Rješenje broj: JN2-03-07-1-610-6/24 od 28.03.2024. godine kojim je žalba usvojena i poništena je Odluka o djelimičnom usvajanju žalbe, broj 05-4267-3/23 od 15.12.2023. godine kao i Tenderska dokumentacija u postupku nabavke: "Nabavka softverskog rješenja za servisnu infrastrukturu projekta unaprjeđenja okvira za rad i primjene propisa u segmentu usklađenosti sa standardima spječavanja pranja novca i finansiranja terorističkih aktivnosti za potrebe Agencije za bankarstvo Federacije BiH" zajedno sa Obavještenjem o nabavci broj: 3010-1-2-378-3-70/23 od 15.12.2023. godine.

Temeljem naprijed navedenog, primjenom člana 69. stav (3) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove odluke, saglasno članu 101. Zakona o javnim nabavkama.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.


DIREKTOR
Jasmin Mahmuzić

Dostaviti:

1. Sektoru zajedničkih funkcija;
2. a.a.

